

COMUNICÂT STAMPE

SETEMANE DE CULTURE FURLANE

DAVÂR

**Sale des cunvignis dal Complès turistic ambientâl di Aplis
localitât Aplis, 2/C - Davâr**



SABIDE AI 27 DI MAI DAL 2023
AES 17.00 e AES 18.15

**DOI INCUINTRIS SU LIS DISCUVIERTIS
ARCHEOLOGJICHIS RESINTIS A DAVÂR**

Inte suaze de X edizion de *Setemane de Culture Furlane*, promovude de Societât Filologjiche Furlane, la Sorintendance Archeologjie, bielis arts e paesaç dal Friûl-Vignesie Julie e propon **doi incuintris** dedicâts **aes testemoneancis archeologjichis intal teritori di Davâr**, te Sale des cunvignis dal Complès turistic ambientâl di Aplis.

La prime conference, dal titul “**Due ponti, una strada: tracce di una storia sepolta a Ovaro**”, si fasarà **sabide ai 27 di Mai aes 17.00** e e sarà la ocasion par fevelâ de discuverte di doi **punts di pierre**, doi manufats poiâts un su chel altri e logâts suntun cret, che a son stâts puartâts a lûs cu lis oparis pe realizazion de taronde li dal acès ae cjartere di Davâr. Par permeti di lâ indenant cui lavôrs de **taronde**, i doi punts a son

stâts dismontâts cun criteris científics, e dutis lis operazions a son stâdis documentâdis cun tecniche archeologjiche.

Tal dopomisdì a saran presentâts i risultâts e ancje analizadis lis problematichis dal intervent archeologic, cirint di furnî une interpretazion storiche e une lôr colocazion cronologjiche: pal moment, di fat, si pues dome afermâ che a sedin stâts fats sù prin dal secul XX. L'event al sarà ancje une oportunitât par esponi in anteprime il proget di **valorizazion dai rescj dai doi points**, che FVG Strade S.p.A. al è daûr a elaborâ in acuardi cu la Sorintendence ABAP FVG e cul Comun di Davâr.

Inte stesse sede, **aes 18.15** si davuelzarà il secont incuintri dal titul “***La montagna iscritta: il masso con le iscrizioni venetiche di Mione di Ovaro***”, dulà che e vignarà presentade la discuvierte resinte fate inte frazion di Mion di Davâr, ven a stâi un **clapón incidût** che al è a cirche 1600 metris di cuote e che al presente **iscrizions venetichis**. E je une discuvierte une vore impuantante par cognossi la difusion de lenghe venetiche in Friûl e ancje i percors antícs e de viabilitât inte mont alte.

Il studi di chest repert al darà la pussibilitât di proponi un teme une vore dibatût tra i studiôs, o ben la definizion culturâl des popolazions che a vivevin in Cjargne inte ete preromane. Lis denominazions di chescj popui no son inmò dal dut claris e a vegnin di diviersis fonts antighis e di rescj archeologjics che no son simpri facii di interpretâ.

Program dai incuintris

SABIDE AI 27 DI MAI DAL 2023

aes 17.00

Sale des cunvignis dal Complès turistic ambientâl di Aplis
localitât Aplis, 2/C – Davâr

“Due ponti, una strada: tracce di una storia sepolta a Ovaro”

Intervents di
dot. inz. Luca Vittori (FVG Strade S.p.A.)

dot. Roberto Micheli (archeolic - Sorintendence ABAP FVG)

dot.re Raffaella Bortolin (archeolighe)

arch.e Angela Coiutti (FVG Strade S.p.A.)

arch. Giovanni Sandre (FVG Strade S.p.A.)

* * *

SABIDE AI 27 DI MAI DAL 2023
aes 18.15

Sale des cunvignis dal Complès turistic ambientâl di Aplis
localitât Aplis, 2/C – Davâr

“La montagna iscritta: il masso con le iscrizioni venetiche di Mione di Ovaro”

conference di

dot. Roberto Micheli
(archeolic - Sorintendence ABAP FVG)

prof.re Anna Marinetti
(Dipartiment di Studis Umanistics - Universitât Ca' Foscari di Vignesie)

Revision e traduzion dai tescj par cure dal Sportel regionâl pe lenghe furlane de ARLeF /
Revisione e traduzione dei testi eseguite dallo Sportello regionale per la lingua friulana dell'ARLeF

Triest, ai 24.05.23

Ufici Comunicazion e Promozion de Sorintendence Archeologie, bielis arts e paisaç dal Friûl-Vignesie Julie
sabap-fvg.comunicazionepromozione@cultura.gov.it

+39 040 4527527

<https://sabapfvg.cultura.gov.it/>

<http://www.facebook.com/SABAP.FVG>